



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1479. usque ad annum 1494

Fleury, Claude

August. Vind. [u.a.], 1768

VD18 90118340

§. 165. Britanniae proceres jussu Bellojoviensis Comitissæ suis dignitatibus restituti

[urn:nbn:de:hbz:466:1-66444](https://nbn-resolving.org/urn:nbn:de:hbz:466:1-66444)

Sæcul. XV.
A. C. 1484.

§. CLXV.

*Britannicæ Proceres jussu Bellojovien-
Comitissæ suis dignitatibus
restituti.*

Ab illo temporis articulo Bellojovien-
Comitissa, cum in Principum fide-
parum præsidii sibi repositum crederet,
unice eo intenta erat, ut ab Aurelianen-
sis partibus Britannicæ Ducem avelleret,
cumque existimaret, tam prosperis even-
tibus non leve momentum accrevit
ex rebellione quorundam Britonum,
præprimis Rivenensis Marescalli, aliorum-
que Procerum, qui Britannicas cum Au-
relianensibus copias jungi prohibebant,
ideo Comitissa obsequii memor, hos præ-
sentiæ suæ dignitati restitui tanta verbo-
rum arrogantia petebat, ut sat lucu-
lenter demonstraret, quod precibus suis
repulsam dari minime pateretur. Ne-
hilominus Landasius malevolentia stim-
ulis agitatus, horum Procerum ruinam
omnibus viribus accelerare conabatur,
quapropter omnino decrevit, nihil remitte-
ndum esse a severitate sententiæ, qua
istos, castris eorum solo æquatis, capite
plecti jusserat; Divulgabatur etiam in
Galliis quædam conventio, perinde ac si
præfati Proceres in Britannicæ Ducatum,
cum

cum eorum Dux absque prole mascula de- Sæcul. XV.
 cederet, succedendi jus Galliarum Re- A.C. 1484.
 gi promississent. Verum ejusmodi pacta
 non nisi ad incutiendum timorem adin-
 venta fuere; non enim penes hosce Pro-
 cures ejusmodi pacta ineundi auctoritas
 erat, præsertim cum aliunde deficiente
 mascula prole in Britanniae Ducatum
 succedendi jus ad filias devolveretur.

Landasius, cum probe intelligeret,
 quod ad evertenda Comitissæ molimina
 nimium infirma esset Britanniae Ducis *Argentre*
 potentia, hinc apud exteros cogebatur *hisi, Britan*
 auxilium quærere, quo solo suffultus,
 etsi a ceteris omnibus ope destitueretur,
 potenter sua consilia exequi posset: Præ-
 primis igitur Anglos sollicitat; equi-
 dem Richardi Regis solium fulcris adeo
 infirmis sustentari arbitrabatur, ut exi-
 guam præsidii spem in eo repositam ha-
 beret: Opportune tamen ejus menti oc-
 currebat, Anglorum animos haud parum
 propensos esse in Richemundium Comi-
 tem, qui jamjam decimum septimum
 annum in Britannia captivus hærebat,
 atque altera jam vice periculum, ne E-
 duardi manibus traderetur, eluctabatur.
 Ex cunctis hisce serio perpensis Landasius
 inferebat, sibi optime consultum fore, si
 rem adeo prospere aggredi posset, ut Ri-
 chemun-

Sæcul. XV. chemundius Anglici sceptri beneficium
 A.C. 1484. vel unice, vel saltem potissima ex parte
 illius auxilio obtentum deberet; tum enim Richemundium haud dubie contra omnes ejus adversarios potentissimum illius defensorem fore sperabat, aut saltem etsi inimicam ubique experiretur fortunam, tutum tamen semper receptaculum in Anglia reperire posset, ubi bonis suis abunde acquisitis tranquille vivere valeret. Hac spe lactatus præprimis Richemundii Comitis Matrem in Westmonasteriensi Asylo adhucdum inclusam convenit; noverat enim, quod illa, ne quicquam obsistente exploratorum sollicitia, pro Filio suo clam potentem consuleret factionem, cujus Princeps erat Buckinghamiæ Dux, qui etiam omnes Nobiles ex Surregiensi, Cantieni, atque Essexiensi Provinciis in conspirationis societatem vocabat.

§. CLXVII.

*Richemundium in Angliam revocatum
 consilia.*

Baron. hist. Landasii consilia Richemundii Mater
 Henric. VII. grata, rataque habuit, declaravitque quidquid inter hunc Britanniae Ministrum ipsiusque filium decerneretur, se unacum amicis